

O CREDI-u

Centar za razvojne evaluacije i društvena istraživanja (CREDI) je neovisni neprofitni i nestranački think-tank s ciljem jačanja kulture vođenja politike utemeljene na dokazima u BiH i regiji Zapadnog Balkana. To činimo proizvodnjom visokokvalitetnih evaluacija programa i politika, kao i istraživanja u društvenim naukama, koristeći najsavremenije metodološke pristupe. Očekujemo da će naš rad doprinijeti poboljšanju učinkovitosti širokog spektra projekata, programa, politika i organizacija. Također smo posvećeni izgradnji evaluacije kapaciteta u zemlji kroz niz programa obuke koje nudimo evaluatorima i kreatorima politika.

Istraživanja

•Naši istraživači su vodeći istraživači u pojedinim oblastima u BiH, zajedno čineći Centar jednom od najjačih istraživačkih zajednica u državi. Zajedno pokrivamo i pružamo usluge istraživanja za najrelevantnije teme za razvoj politika i programa u zemlji i regionu.

Evaluacije

•Pružamo usluge evaluacije različitih programa, politika i projekta u zemlji i regionu. Radimo evaluacije po savremenim metodama i tehnikama. Naša glavna snaga je ekspertiza u kvantitativnim metodama istraživanja.

Usluge

•Našiiskusni istraživačimogu vam pomoći u vezi sa bilo kojim aspektom vašeg istraživačkog projekta – od dizajna istraživanja i prikupljanja podataka, do analize i izvještavanja. Radimo sa različitim klijentima u nevladinom, javnom i privatnom sektoru i naše usluge su dostupne svima. Takođe, pružamo treninge prilagođene vašim specifičnim potrebama.

Centar za razvojne evaluacije i društvena istraživanja – CREDI

Adresa: Zmaja od Bosne 18/2, 71000 Sarajevo

Telefon: +387(0)33 20 58 59

E-mail adresa: contact@credi.ba

Web-stranica: <https://credi.ba/>



Istraživačka mreža Evropskog društvenog istraživanja u Bosni i Hercegovini ESS-BiH

ESS-BiH Istraživačka mreža je mreža univerziteta i drugih istraživačkih institucija u Bosni i Hercegovini pod koordinacijom CREDI-a koja okuplja istraživače iz oblasti društvenih istraživanja sa misijom jačanja istraživačkih kapaciteta i promocije saradnje između istraživača društvenih nauka u Bosni i Hercegovini kroz priključivanja Bosne i Hercegovine Evropskom društvenom istraživanju (ESS).

Naše aktivnosti:

- Organizacija treninga i obuka za provođenje ESS istraživanja u BiH
- Organizacija treninga i obuka za unaprjeđenje lokalnih istraživačkih kapaciteta
- Priprema i provedba ESS istraživanja u Bosni i Hercegovini
- Osiguravanje finansijske i tehničke podrške u publiciranju radova iz oblasti društvenih istraživanja
- Pružanje tehničke podrške za provođenje ESS istraživanja u Bosni i Hercegovini kroz komunikaciju sa ESS-ERIC mrežom
- Učešće u aktivnostima i događajima ESS-ERIC mreže u cilju boljeg uvezivanja sa ostalim ESS istraživačkim mrežama
- Razvijanje istraživačkih vještina kod studenata kroz njihovo uključivanje u aktivnosti Mreže, te obezbjeđivanje komunikacije sa ESS-ERIC mrežom
- Promocija društvenih nauka i podsticanje istraživanja kulturno-vrijednosnih karakteristika stanovništva u Bosni i Hercegovini
- Zagovaranje i promocija razvoja socijalnih politika baziranih na rezultatima istraživanja

Evropsko društveno istraživanje ESS

Evropsko društveno istraživanje (ESS) je metodološki i teorijski najobuhvatnije međunarodno komparativno istraživanje pod pokroviteljstvom Evropskog istraživačkog konzorcijuma (ERIC) koje se provodi svake dvije godine prema najvišim metodološkim standardima u cilju mapiranja i razumijevanja društvenih, političkih i vrijednosnih promjena na komparativnom evropskom nivou. Evropsko društveno istraživanje se provodi u kontinuitetu od 2002. godine, u cilju transfera relevantnog teorijskog i metodološkog znanja i praksi iz oblasti društvenih istraživanja u evropskoj istraživačkoj zajednici i razumijevanja promjena u stavovima po pitanju različitih društvenih i političkih tema, te vrijednosno-kulturnih obrazaca u evropskom društvu.

ESS upitnik se sastoji iz centralnog (core) modula koji sadrži pitanja koja su konstantna kroz sve talase istraživanja, i rotirajućeg modula koji je posvećen dubinskoj analizi određenih specifičnih tema od značaja za evropska društva. Centralni modul obuhvata informacije o društvenim vrijednostima i ideološkim orijentacijama (politička orijentacija, ekološke vrijednosti, osnovne humane vrijednosti, religijske orijentacije i prakse, povjerenje u institucije i sl.), kulturološkim/nacionalnim vrijednostima i orijentacijama (građanstvo i nacionalni identitet, predrasude prema marginalizovanim grupama, stavovi prema migracijama i EU i sl.), te društvenoj strukturi (demografske karakteristike stanovništva poput kvalitete uslova života, stepen obrazovanja, etničko porijeklo, karakteristike domaćinstva i sl.)

(www.europeansocialsurvey.org)

Deseti val Evropskog društvenog istraživanja u BiH (ESS10)

Deseti val ESS istraživanja se po prvi put treba provesti u Bosni i Hercegovini. Istraživanje se provodi na standardnom uzorku od 1500 ispitanika i sastoji se iz rotirajućeg modula koji je u desetom valu istraživanja posvećen dubinskom istraživanju tema razumijevanja i evaluacije demokratije i digitalnim socijalnim kontaktima u radu i porodičnom životu. Proces prikupljanja podataka bi trebao započeti u junu 2020. godine. U procesu implementacije će učestvovati ESS-BiH Istraživačka mreža pod koordinacijom ERIC-a i CREDi centra.

ESS-ERIC mreža Evropskog društvenog istraživanje

ESS-ERIC mreža je najveća istraživačka mreža koja obuhvata nacionalne ESS istraživačke mreže iz 37 zemalja, uključujući i neke od zemalja regije koje su učestvovala u ESS valovima istraživanja poput Crne Gore (ESS9 2018), Hrvatske (ESS4 2008, ESS5 2010), Slovenije (ESS1 2002-ESS7 2014) i Srbije (ESS9 2018). Predstavnici nacionalnih mreže imaju pravo na biranje ESS-ERIC direktora, Glavnog naučnog tima, te Metodološkog savjetničkog Boarda i Naučnog savjetničkog Boarda koji su zaduženi za pripremu svakog vala istraživanja.

ESS-ERIC mreža kroz različite aktivnosti koordinira rad nacionalnih Mreža, te kroz usmjeravanje i razvijanje okvira metodoloških standarda i jačanja lokalnih kapaciteta omogućava provođenje ESS istraživanja prema najvišim standardima, ujedno i razvijajući lokalne kapacitete i promociju razmjenu ideja i saradnje na evropskom nivou.

Glavni cilj ESS-ERIC mreže jeste:

1. Mapiranje i razumijevanje društvenih, političkih i vrijednosno-kulturnih promjena na komparativnom nivou u Evropi.
2. Razvoj i širenje naprednih standarda u realizaciji nacionalnih i kros-nacionalnih društvenih istraživanja.
3. Uvođenje i podsticanje korišćenja čvrsto zasnovanih indikatora za mjerenje stavova o pojedinim aspektima društvenog razvoja (ekonomski razvoj, funkcionisanje demokratije, povjerenje u institucije, migracije i dr.).
4. Obučavanje istraživača za komparativna kvantitativna mjerenja i analize.
5. Unaprijeđenje vidljivosti i upotrebe uporedivih i reprezentativnih kvantitativnih podataka o društvenim promjenama kako u naučnim ustanovama, tako i među donosiocima političkih odluka i široj javnosti.
6. Kreiranje transparentnog i dostupnog mehanizma za tumačenje odnosa koji postoji između promjena evropskih institucija i dominantnih društvenih vrijednosti.

(www.europeansocialsurvey.org)

ESS9 2018 u Crnoj Gori: www.europeansocialsurvey.org

ESS9 2018 u Srbiji: www.ess.rs